

西南稀見方志文獻

第二十卷

中國西南文獻叢書

中國西南文獻叢書
第二十卷
西南稀見方志文獻

中國西南文獻叢書·第一輯

江苏工业学院图书馆
藏书章

西南稀見方諱文獻

第二十卷



本卷目錄

雲南圖經志

〔明〕

鄭

顥修

陳

文纂

.....

一

1	1
2	2
3	3
4	4
5	5
6	6
7	7
8	8
9	9
10	10
11	11
12	12
13	13
14	14
15	15
16	16
17	17
18	18
19	19
20	20
21	21
22	22
23	23
24	24
25	25
26	26
27	27
28	28
29	29
30	30
31	31
32	32
33	33
34	34
35	35
36	36
37	37
38	38
39	39
40	40
41	41
42	42
43	43
44	44
45	45
46	46
47	47
48	48
49	49
50	50
51	51
52	52
53	53
54	54
55	55
56	56
57	57
58	58
59	59
60	60
61	61
62	62
63	63
64	64
65	65
66	66
67	67
68	68
69	69
70	70
71	71
72	72
73	73
74	74
75	75
76	76
77	77
78	78
79	79
80	80
81	81
82	82
83	83
84	84
85	85
86	86
87	87
88	88
89	89
90	90
91	91
92	92
93	93
94	94
95	95
96	96
97	97
98	98
99	99
100	100

【明】

陳 鄭
文 顥
纂 修

雲南圖經志

《重修雲南圖經志十卷》，明鄭顥修、陳文纂。本書據傳抄明景泰六年（公元一四五五年）刻本影印，原書成品尺寸爲二十五點五厘米乘十四點五厘米，版框尺寸爲十八厘米乘十三點五厘米。

重修雲南志序

景泰甲戌孟秋七月，有詔纂修方輿志書。禮部奏選文學之士授以條畫，分行天下，俾其所至會諸方岳儒臣，廣蒐精擇計，偕以上，而進士王穀寔來雲南。衆議右布政使陳君安簡宜總其事。君承事惟謹，暨諸文儒夙夜在公，殫心竭慮，期蒐訪之必精，燭故鈎新在去取之皆當，不四閱月而志書告成。將鋟梓以傳，詣予丐言為序。惟雲南之事載在漢班固西南夷傳者舊矣。至元李景山始為志畧，然其時聲教初及，制度簡率，禮樂文章之事未甚明備，道德風俗之美未甚同一，宜乎蒐訪者難

精而該載者不博也。我朝奄有天下幅員之廣疆域之大振古莫及。雲南以險遠後服。太祖皇帝特命勲臣鎮之。迄今七十餘年。山林川澤墳衍原隰物產之富郡縣城郭疆理之雄靈壇古跡琳宮梵宇之勝園池樓閣亭臺館榭之麗賢臣哲士之生于其鄉仕于其地詩書禮樂之教養其人於是道德既同而風俗丕變向之椎髻卉裳之民荷戈負弩之習漸化而為衣冠文物之美矣。孔子曰如有王者必世而後仁此其時耶雖然禮樂文章之明備道德風俗之同一固由乎聖王悠久教化之浹洽然非得人以任纂修之責抑何以成昭代制作之

盛而觀今日大一統之寰區如斯其廣者哉是書之成遠稽諸經，近考史籍，并疆里俗，食貨藝文之事，古今因革損益之宜，條分縷析，明白詳盡，可謂無遺漏矣。而陳君用心之勤，蒐訪之精，去取之當，亦於是而有可考焉。景泰六年歲次乙亥春三月望日，中憲大夫巡撫雲南都察院右僉都御史錢唐鄭顥序。

重修雲南志序

皇上續承大統，撫御萬方，夙夜孜孜，圖惟寧永，迺於景泰五年秋七月八日，詔禮部重修天下地理志。將悉閎而周知之，其奉使采取及所在任其事者，必慎選文學才德其人，以充時進士王穀詣雲南，宣昭聖意。於是文等忝與其事，祇嚴朝夕，博訪而遍觀，窮搜而遠探，正舊志之乖訛，公輿情之去取。若是者四閱月，始獲成書，分為十卷，以進。而雲南古今事文，殆無遺者。既而以所存之藁，命工鋟梓，而序之曰：地理有志，肇於夏之禹貢，掌於周之職方，著於漢之遷史，而班固廣之曰志。凡河嶽

之流峙原隰之肥磽物產之登耗風俗之美惡人才之豐嗇悉志焉以任土作貢分田制祿授方任能用臻康乂者良以此也雲南古西夷靡莫之屬遠在荒外而禹貢職方之所不及者也漢武時始通中國繼以蜀晉隋唐雖曰郡縣其地不過遙制以為羈縻而已况蒙段二氏假號承強厯數百年屢為邊患宋則置之度外豈惟力之不贍哉至于有元僅能一而撫之然治教晦塞氣習猶自異於內地視前代之遙制以為羈縻者又豈能大相遠哉天啟皇明奄有寰宇仁風義氣彌于六合施及四夷雲南以征而後服特任勲戚蓋臣領重兵而世

守之蒞以藩鎮肅以臬司因革其郡縣制其田里閭井
 其民以施治遍立學校以施教又簡命練達重望之臣
 以巡撫之迄今七十有三年是以聖化漸被無間窮僻
 椎卉化為衣冠嗚呼變為雅頌熙熙皞皞亦何下於內
 地哉由此而觀則皇明之有雲南不特一其地以示輿
 圖之廣然定為經制以成其治教之盛實亘古所未有
 也今具于志得非希世之盛典歟文等文學才德舉無
 似者敬竭一得之愚以仰荅聖意於萬一而皇明丕顯
 丕承之化無遠弗届亦於是而槩可見矣嗟夫顧此一
 隅之陋繼今以往獲饒美於內地誠萬世之大幸也歟

景泰六年三月望日中奉大夫雲南右布政使廬陵陳
文序

雲南圖經志書凡例

一志書各項事蹟俱準宋祝穆方輿勝覽采取然宋之諸路即今之各布政司也諸路不立建置沿革及事要之目惟詳于所領府州之下今從之

一考雲南於古為荒外之地三代載籍無聞今本之以前漢西南夷傳參之以三國五代晉唐宋元諸史質之以通鑑綱目而更考李景山之志畧以正舊志之失焉

一郡名舊志有所畧則增之形勝舊志有所闕則補之至到則循其實土產則書其所特出而刪其所

同有山川井泉寺觀堂亭樓閣古蹟惟紀其勝處
祠廟則削其淫祀、祠墓則錄其先賢、曰公廨、曰學
校、曰館驛、曰橋梁、其建置皆舊志所未備、今詳之
一風俗舊志以諸夷之故實總叙于布政司之下、而
於各府州但書諸夷之名而已、今則各因其類之
最盛於某府某州者、提其風俗之要、而分註其事
實、以入于其下、若其類之散處於別府別州者、則
惟附見於其風俗之分註、而不提其要也、
一、名宦人物凡沒世而功德節義之名行有聞者、無
間久近、皆書之、以公論定於蓋棺之後也、其存者

雖才賢高爵而不書者冀善其終而將有待也科
甲則詳其出於某科某甲而鄉貢不列者慮其多
也。

一詩文雲南絕少舊志所載前代惟唐張柬之奏疏
一通元時詩文僅數十篇耳國朝自洪武壬戌平
定以來至今又七十三年其間名宦才人所紀詠
有關於建置事要之實者既因舊志所載而增采
之其篇什尚不過元之數若以為非古而併去之
則無以昭聖世文明之化無遠弗屆後之視今復
何考故增入于所關事要之下其不可入者則併